









1018.0

5. A. 432

~~65.~~

S.W. 4.







6-7

LAVRETVM  
SIVE CARMINA

IN LAVDEM  
LAVRENTII MEDICIS  
EDITIO ALTERA



FLORENTIAE TYPIS MAGHERIANIS  
MDCCCXX.

*Clemens Bancotius Fighinensis  
ad Magnificum  
Laurentium Medicem.*

Laurens , delitium orbis , et Leonis  
Lydi nobilitas , et omne robur ,  
Et felix Medicum decus parentum ,  
Fortuna , ingenio , fide refulgens ,  
Qui solus lepidos foves poetas ,  
En sume harmonicum tui Severi  
Muuus corde hilari , et manu benigna .  
Non auro properat micante fultum ,  
Vt par est , animo tamen libenti ,  
Veris laudibus et tuis refertum.  
Sume et nos etiam , tuisque semper  
Defendat titulis benigna Laurus ,  
Solo praesidio tuo beatos .

---

III

LECTORI BENEVOLO

DOMINICVS MORENI

---

**N**ullus quidem est tam indoctus, expersque rerum, ut nobilissimum antiquae Mediceae Familiae nomen, summorumque in ea virorum in omni genere laudis praestantissimam gloriam ignoret. Et re quidem vera ante omnium oculos sunt, crebrisque sermonibus usurpantur maxima opera, multaque, et magna in suos, in patriam, et in omne fere genus hominum merita, Cosmae praesertim Senioris, eiusque nepotis Laurentii cognomento Magnifici, filiique huius Leonis hoc nomine Pontificis X. ne singulos eius gentis praeclarissimos homines numeremus. Quid mirum igitur, si nulla aetas de eorum laudibus conticuerit, nec solum nostris, sed exterarum gentium quoque literis, atque linguis, illustra

ipsorum facta fuerint celebrata? Id sane abundantissime praestitit paucis ab hinc annis celebratissimus vir, doctissimusque, Guilielmus Roscoe Liverpoolensis. Is enim Laurentii patris, filiique huius Leonis Vitas adeo accurate, eleganter, ordinateque conscripsit, mira eruditione, monumentorumque copia refertas, ut literatis omnibus probatissimae fuerint. Tanta equidem delectatione eas perlegentes nos fuimus affecti, ut de earum auctore palam laetari, eique publice gratulari voluerimus, *Commentarium de Bello Senensi* a Petro Angelio Bargaeo conscriptum, notulisque nostris illustratum, dum primo typis tradebamus, ipsi inscio, et inconsulto inscribentes. Hanc tamen animi nostri significationem, observantiaeque testimonium gratum sibi fuisse testatus est, missa nobis peramanter epistola, quam in *Fol. III. pag. 185.* Historiae nostrae Basilicae Laurentianae retulimus.

At rogabis, Lector, quorsum tandem ista? Cum omnes vel accuratos Vitae Laurentii scriptores certum sepulcri eius locum latere vidissemus, nobis vero post adhibitam diligentiam ille tandem innotuisset, talem statim rem publicis literis mandare statuimus, arrepta occasione iteratae huius editionis *Laureti* (1) a Severo Minervio in Laurentii Medicis Secundi, qui fuit Urbini Dux, laudem congesti. Quod revera Clarissimus Angelus Fabronius olim Basilicae Laurentianae Antistes meritissimus Vitaeque Magnifici Laurentii scriptor eximius, huius sepulcrum ignoraret, his verbis (2) satis ostendit: *Ne sepulcri quidem monumentum illi* (La-

(1) Libellus iste, quem Severus Minervius a *Lauro Lauretum ex variis Musarum Lucis congestum*, ad *Laurentium* alludens vocavit, prodit primum apud Iunctos circa annum 1516. ut videre est apud Bandinium *Part. II. pag. 264. Annal. Typograph. Iunctarum*. Etsi autem primae laudes sint in *Laurentium Secundum*, obiter tamen celebrantur *Laurentius primus*, avus eius, Leo X. patruus, alique Mediceae Familiae clarissimi viri.

(2) Tom. I. pag. 214. praedictae Vitae.

rentio ) *positum fuit, conditumque cadaver creditur ad eam partem Sacra-  
rii Laurentiani, in qua vestes, atque  
omne instrumentum sacrificale sumunt  
sacra facturi*. Hoc quidem in loco ex-  
stant adhuc sepulcra, unum pro ma-  
sculis, alterum pro feminis cum stem-  
mate Familiae Mediceae marmore scul-  
pto, in quibus illorum corpora ante  
adeptum Principatum sepeliebantur.  
Idem quoque Roscoe praeclaudatus in  
huiusmodi ignorance versatur, ut vi-  
dere est in *Tom. IV. pag. 74. Edit. Pi-  
san*. Vitae Laurentii: en eius verba: *Il  
luogo, ove furono racchiuse le sue Ce-  
neri non è distinto da tomba, o da  
iscrizione, ma il Viaggiatore, che,  
nutrito nell'amore delle Lettere, e del-  
le Arti, si aggira fra gli splendidi Mo-  
numenti inalzati ai capi di questa il-  
lustre Famiglia per opera di Michelan-  
gnolo, e dei sublimi suoi competitori,  
mentre cerca invano, ove sia scolpito  
il nome di Lorenzo, alla vista però*

*di tutti quelli si risovverrà ben tosto della gloria di esso.* Quod revera corpus eius in Laurentiana Basilica conditum fuerit, omnes patriae nostrae scriptores affirmant, sed nullus, praeter instabilem praelaudati Angeli Fabronii coniecturam, certam eius Templi partem designat. Omnium primus, ni fallimur, hoc praestitit Parides de Grassis, Pisauriensis Episcopus, et a Caeremoniis Leonis X. Sum. Pont. in suo *Diario* ms. cuius nos quod ad narrationem magnifici eius Pontificis Florentiam ingressus, et in ea mansionis pertinet, edidimus An. MDCCXCHII. notisque illustravimus. Ipse igitur ait, quod celebratis a Leone in prima Dominica Adventus An. MDXIII. solemniter Pontificalibus in ipsa Aede, quam in suo adventu, ut ipsius utar Paridis verbis, *pro Cappella sua Pontificia deputavit in omnibus*, ad Sacrarium, ut peccatorum expiationem, ac aeternam requiem Laurentio Patri suo ibi sepul-

## VIII

to precibus a Deo impetraret, accessit : haec sunt illius verba : *Tunc Papa ingressus est Sacristiam, ubi visitavit sepulcrum Patris sui, et oravit genuflectus. Ex quo erroris arguitur Inscriptio in Templi nostri Coemeterio prope sepulcrum Cosmi PP. posita, in qua Laurentii ciucres ibi acervatim repositas fuisse asseritur una cum Hippolyto de Medicis S. R. E. Cardinali, quem Romae in Aede S. Laurentii in Damaso sepultum fuisse certa monumenta testantur. At huiusmodi disceptationibus relictis, exploratissima de praesenti Laurentii sepulcro testimonia proferamus. Augustinus Lapinius Sacerdos Florentinus, Aedisque Metropolitanae Beneficiarius, in suo *Diario* ms. haec ad rem nostram luculenter enarrat. *A dì 3. di Giugno 1559. in Sabato dopo Vespri si traslatorno i Corpi del Magnifico Lorenzo, et di Giuliano, amendua di Casa Medici, quali erano stati di molti anni sepolti in Sa-**



*grestia vecchia di S. Lorenzo , et in questo detto di si levorno di detta Sagrestia, et si messano in Sagrestia nuova in un Cassone grande, che vi è nell'entrare a man sinistra , di marmo ( hic longe a veritate Lapinius aberrat, nam sepulcrum hoc, quod vocat Cassone grande semper fuit, et adhuc est in eodem Sacrario veteri ): il qual corpo di Lorenzo era tutto intero con il naso, et a'tre membra ogni cosa intera, ma secca colla sua veste di panno bianco intera , solamente in pochi luoghi intignata , con il suo berrettino in testa di scarlatto, che pareva nuovo, et si riconobbe subito per poco, che haveva perso di sua effigie , che fu cosa quasi da non la credere, essendo stato sepolto circa a 75. anni. Quello di Giuliano era quasi tutto consumato , et stransfigurato. Veddesi la ferita , che ebbe in su la testa in S. Reparata , quando fu il caso de' Pazzi nel 1478. d' Aprile alli 26. che era tagliato l'osso , per la*

qual ferita si morì, e Lorenzo detto, suo carnale fratello fu ferito nel collo, ma ebbe poco male, e si salvò fuggendo in Sagrestia nuova di detta Chiesa, cioè di S. Maria del Fiore, o S. Reparata, che è una cosa medesima. Idem iisdem fere verbis in suo ms. *Diario* affirmat Franciscus Rondinellius (1): *A dì 3. di Giugno del 1567. (2) in Sabato, ait, si viddero i Corpi di Lorenzo il Magnifico, e di Giuliano de' Medici stati molti anni in Sagrestia vecchia*

(1) Hoc Rondinellii testimonium relatam prius fuit in *Nota 3. pag. 117. Operis cui titulus: Angeli Politiani V. CL. Coniurationis Pactianae Anni 1478. Commentarium Documentis, Figuris, Notis nunc primum illustratum cura et studio Ioannis Adimari ex Marchionibus Bumbae, Neapoli An. 1769.* Corrigendus autem est auctor huius *Notae*, asserens, porphyriticum Sarcophagum, in quo bina corpora etiam nunc iacent, opus esse anaglypticum celeberrimi Mich. Ang. Bonarrotii, est enim Andreae Verrocchii.

(2) Rondinellius concordat hac in re cum Lapinio in mense, in die, et in nomine eiusdem diei, sed non in anno. Debit tamen esse annus 1559. quia in hoc respice dies 3. Ianii fuit dies Saturni.

*in S. Lorenzo, e si messero in quel Cassone grande di porfido, che è nella detta Sagrestia entrando a man manca. Il corpo di Lorenzo, che era tutto intero con la vesta di panno bianco, e il berrettino di scarlatto in capo, era stato sepolto anni 75. Il corpo di Giuliano era tutto guasto. Veddesi la ferita ch'egli ebbe nella testa per la congiura de' Pazzi in S. Reparata nel 1478. a 2. (corrig. 26.) d'Aprile, che era stato tagliato l'osso, e veddesi anco quella di Lorenzo nella gola, sebben era poca margine.*

Ne igitur in posterum huius rei memoria dilabatur, immo latius pateat, horum testimoniorum (1) firmitate, auctoritateque suffulti hanc qualemcumque inscriptionem, Ferdinando III. Magno Etruriae Duce benigne aduente, in Sa-

(1) Haec testimonia Rondiaellii scilicet et Lapinii allata a nobis fuere etiam in Opere nostro cui titulus: *Delle tre sontuose Cappelle Medicee ec. Fir. 1813. pag. 104.*

XII

crario prope sepulcrum apponendam  
curavimus.

LAVRENTIVS · MEDICES · COGNOMENTO · MAGNIFICVS  
PETRI · FILIVS · COSMI SENIORIS · NEPOS  
LEONIS ·  $\overline{X}$  · S · P · PATER  
HANC · IN · VRNAM · PORPHYRETICAM  
ANAGLYPTICO · OPERE · EX · AERE · AB · ANDREA · VERROCCHIO  
TAM · ELEGANTER · ORNATAM  
QVAM · PATRI · PATRVOQVE · IOANNI · REGALI · SVMPTV  
FIERI · VOLVIT  
EX · HVMI · IN · QVA · PRIMVM · CONDITVS · FVERAT  
TRANSLATVS · EST ·  $\overline{III}$  · NON · IVN · AN ·  $\overline{M}$  ·  $\overline{D}$  · LIX ·  
VNA · CVM · FRATRE · IVLIANO  
IN · CONIVRATIONE · PACTIANA · INTEREMPTO  
DOMINICVS · MORENIVS · BASILICAE · HVIVS · CANONICVS  
VT · SEPVLCRVM · TANTI · VIRI · DIV · IGNOTVM  
CERTIS · MONVMENTIS · NVPER · DETECTVM  
POSTERIS · OMNIBVS · INNOTESCAT  
FERDINANDO ·  $\overline{III}$  · M · E · D · BENIGNE · ADNVENTE  
MARMOR · IMPENSA · SVA · P · C · ANN ·  $\overline{M}$  · DCCC ·  $\overline{XX}$  ·

*Severus Minervius Spoletanus*  
*Magnifico Laurentio Medici Secundo*  
*S. D.*

Nequeuntes propriis telis signum sagittarii ferire, depromptis ex aliena pharetra sagittis id agere conantur. Sic ego, cui innumeras nominis tui laudes rudi, atque inani carinine non satis sunt ad prosequendum vires, alienis mecum ad hoc pariter laboribus intendam, ut quasi par multis sit opus, quod meis longe impar parvis viribus videtur. Fecique in hoc quemadmodum solent qui parietem aliena fidelia dealbant, Milonisque insania frui nolui, qui propriis nimium laceratis confidit. Potius quidem inter alios laudis tuae non inconcinnos sectatores futili loquacitate patiar detestari, quam excellentem in omni genere virtutem tuam, et maioribus omnino comparandam, solus frigide laudare velim. Quod non aliter evenire posset ob ingenii mei imbecillitatem, et candoris verborum ieiunitatem. Quibus cognitis samio mihi more tacendum persuasissem, ni segnis, et oscitans stans timuissem increpari. Dignum etenim videtur, ut quae mihi ante laborem a te otia conceduntur, non inculte penitus, nec sine aliquo alacri, et laudabili exercitio transeam, ne dum remissioni, et quieti corpus indulget, mens animusque hebescat, atque ut longo intervallo, armorum procellis fluctuante Italia, studia intermissa revo-

## XIV

cem. Verum enim vero scio, quod quae mea sunt, tibi ridicula videbuntur, numeros enim mea verba non tenent: ea, quae de te recte sentio, eloqui non valeo, et assecutus sum potius quae mihi vis praestat, quam quae voluntas. Verum quod Aesopus non potest, Eurypylus potest. Eorum enim partem assequuntur alii, qui poemation hoc tibi mecum ex consilii sententia dicari volunt; namque equos suos gravioribus stimulis excitant, nec deerit his artis, auctoritatis, et voluntatis ubertas. Quae omnia approbabantur, si recte canentium comes laus est. Ea ne spreveris saltem, quaeso, transeundo, cum vacabit, inspicere. Parva quidem erunt, sed maiora alias dabuntur. E portu enim in tam vastum aequor egredientes, potius paulum remigare, quam statim vela facere decrevimus. Vale.

*Severus Minervius*  
Ad Lectorem

Vt fortuna ducis non maior, quae ardet in armis,  
 Quam quae grandisono vatis in ore sonat;  
 Inclyta gesta virum tenui sic carminae fiunt,  
 Lector, nota minus, sic quoque vatis opus.  
 Sed tam clara nitent per se modo nomina Lauri,  
 Quod qua nos, qua se, vim tueantur, habent.

CARMINA'  
IN LAVDEM  
LAVRENTII MEDICIS



*Madalius Corton.ad Severum Minervium  
Praetorian. Milit. Praefectum  
De donis ab Apolline  
Lauro concessis.*

V is ubi non potuit, nec verba precantia, Daphnen  
Flexere haec Clarii dona, Severe, Dei.  
Invenit medicas soboles Latonia vires:  
Hinc Medicis veniunt nomina clara domus.  
Sex habet errantum rutilos Sol aureus orbes;  
Sex Medicum hinc rutilis aurea scuta Pilis.  
Ad citharam in medio Musarum cantat Apollo;  
Hinc Medices praestant carmine, voce, manu.  
Illustrat totum lampas Titania mundum,  
Hinc Medicum toto fulget in orbe decus.  
Qui redit in lucem, Phoebosacer, unicus ales,  
Gestamen Lauri cernitur esse novum.

Cynthius ingreditur quintili mense Leonem,  
 Hinc Medices geminus Iulius, inde Leo.  
 Sub pastorali Laurum Sol arsit amictu,  
 Pastorem hinc Medices urbis et orbis habent.  
 Cetera mitto: sat est Hyperionis orbe potiri  
 Daphnen, et hacillum; stentque, meentque simul:  
 Cantent, praedicant, vatesque, ducesque coronent.  
 O hac quam felix arbore Tuscus ager.

*Barthol. Reguleus  
 de Magnifico Laurentio.*

Spes erat in Lauro Lauri post funera semper:  
 Mansit ut in sola virgine certa fides.  
 Sed modo cum surgat Lauri de germine Laurus  
 Celsior, insurgit spes quoque nostra virens.  
 Si sperare datum tam longo tempore, tandem  
 Spes eat, et Lauri sit mihi certa fides.

*Severus Minervius de eodem.*

Quisquis trans ludos phoenicem vivere credit,  
 Errat; in aetrusco permauet ille solo,  
 Perpetuatque suam Lauri sub imagine vitam:  
 Phoenix est hodie Laurus, ut ales erat.  
 Quis neget hoc? similis tempus monstratur in omne  
 Laurus, et est Laurus, Laurus ut ante fuit;  
 Qui post exitium gaudet potuisse renasci:  
 Continuata pari nam videt ora vice.



Vnicus est, nullumque viret moriturus in aevum,  
 Virtutis precium mors quia nulla rapit.  
 Moribus at renovat vitam, non igne, suumque  
 Fortuna, ingenio, nomine reddit avum.

*Clemens Bancotius ad eundem.*

Nomen, Laure, tuum, cognomen, et inclita signa,  
 Temporibus nostris quantus es ipse, serunt.  
 Laurus ut aeterno virides habet omine frondes,  
 Sic tu perpetuum munus honoris habes.  
 Vt nihil est medico mortali carius aegro;  
 Sic te nil patriae carius esse potest.  
 Aetatesque Pilae signant, quique aureus orbis  
 Aurea sub Lauro secla redisse notat.

*Andreas Dapsius pro Lauro.*

Fronde vetus posita, stratis cum stipite ramis,  
 Arebam Clario Laurus amata Deo.  
 Nunc iterum validis educta sub aethera truncis  
 Quae sin, quae fuerim, si petis: umbra fui.  
 Sic spoliū tremulae phoenix exuta senectae  
 Maior odorati surgit ab igne rogi.

*Ludovicus Alamannus de eodem.*

Quae Lauri probitas, quae sit celeberrima virtus,  
 Quaeve magis viridi firma colore fides,

Non solum cunctis, eademque probantibus extat,  
 Iudicio sed enim fit manifesta Iovis,  
 Qui coelum, et terram, fraternaue tartara quercus  
 Esse prius dederat sub ditione suae.  
 Sed nota Lauri virtute, excidere quercum,  
 Et Laurum coelo tollere constituit.

*Severus Minervius de eodem.*

Forte inter superos Martem prospexit Apollo  
 Gestantem capiti Lauream sarta suo.  
 Non tulit: unde tibi Mavors gestare coronam  
 Hanc, ait, impensum? dona aliena rapis.  
 Laurus sacra mihi: Laurus mihi convenit uni:  
 Fraxinus est manibus, et capiti apta tuo.  
 Non potuit Mavors animi compescere fluctus,  
 Dixit: erit Laurus ense tuenda mihi.  
 Vix quivit dextra Phoebus retinere sagittas,  
 Dicere sic gethicum vidit ubi ipse Deum.  
 Iuppiter ast placido, torquet quo sidera vultu,  
 Nati, iras, infit, ponite, et arma, mei.  
 Per me sit Laurus posthac communis utrique,  
 Non minus arma colit, quam colat ille Lyram.

*Tanais Nerlius de eodem.*

Alcides summis excessit viribus omnes,  
 Huuc tamen invictum vincere amor potuit.  
 Nullum numen adest fortuna maius in orbe:  
 Hanc tamen instabili mutat Apollo die.

Respondet cunctis audax Dea vocibus Echo:  
 Haec tamen irato muta Tonante manet.  
 Sed Laurum nec vicit amor, nec tempora mutant,  
 Nec terrent summi tela trisulca Iovis.

*Antonius Nerlius de eodem.*

Laurus ut Vrsina est merito de prole creatus:  
 De Medica est merito sic quoque gente satus.  
 Altera coelesti nomen deducit ab Vrsa,  
 Altera phoebea nomen ab arte trahit.  
 Spes maris illa, salus terrae haec, est Laurus utrumque:  
 Lauro igitur tellus serviat, atque fretum.

*Donatus Iannoctius de eodem.*

Dum populis Tuscis spectacula laeta pararet  
 Laurus Apollinei spes modo magna chori,  
 Pierides gethiciis illum videre sub armis  
 Cornipedem miris exagitare modis.  
 Quem colere has artes quia Martis amore putarunt,  
 Implerunt querulis aethera carminibus.  
 Solatum accurrit moestas Iove nata sorores,  
 Nam nota huic tanti caussa doloris erat.  
 Lacrymulas cohibeto Deae: non haec movet arma,  
 Saevus, ait, Mavors, casta Minerva movet.  
 Convenit Aonium nectar bene Pallados armis;  
 Ingenium quid, si stent procul arma, valet?  
 Hunc igitur iuvenem divae celebrate frequentes;  
 In quo Pierio iunximus arma melo.

*Severus Minervius de eodem.*

Diversas superum vires finxere poetae,  
 Implērunt geminos carminibusque polos.  
 Sed quod de natis mentitur musa Tonantis,  
 In Lauro praesens invenit historia.  
 Laurum maiestas, robur, sapientia, virtus  
 Cogeret esse Deum, si Deus esset homo.

*Petrus Franciscus Portinarius  
 ad eundem.*

Quam bene te Laurum magni dixere parentes,  
 Laurenti, Medicis grande decus generis.  
 Fronde viret Laurus: viridi tu flore iuventae.  
 Laurus olet: redolet nomen ubique tuum.  
 Fronde sacra vatum cinguntur tempora Lauri:  
 Vatibus ipse refert praemia digna sacris.  
 Illa duces bello insignes, laetosque triumphos:  
 Ipse armis claros, nec minus arma colis.  
 Postibus Augustis Laurus, templisque decora:  
 Ipse decus summi Pontificis solio.  
 Grata Deis Laurus, cui non gravis ira Tonantis:  
 Aspirant votis numina cuncta tuis.  
 Iure igitur divum celebrat Florentia Laurum,  
 Quae Lauro semper sospite tuta fuit.

*Tanais Nerlius ad eundem.*

Quam bene phoebea deducis ab arbore nomen,  
 Laure, decus, patriae duxque, paterque tuae.

Non aestius, viridem non laedunt frigora Laurum:  
 Tu sortem immoto pectore utramque regis.  
 Dextra Iovis Lauro non officit: ira Tonantis  
 Nec tibi: institiam, fasque, piumpque colis.  
 Illa duci, vatique decus: decus ipse canenti  
 Tu tibi: victori tu tibi, Laure, decus.

*Christophorus Sernisius  
 ad Magnificum Laurentium Medicem.*

Tot tibi tot vates, Laure, excerpere coronas,  
 Ut mihi restiteris iam modo truncus olens.  
 Quem si certatim Musarum vestibibus ornant,  
 Forsan odorantis praemia truncus erit.

*Alexius Lapaccinus ad eundem.*

Audierat toto celebrari Iuppiter orbe,  
 Laurenti, Clario nomina grata Deo:  
 Et mores laudare omnes, nullique secundas  
 Ingenii dotes, eloquiumque grave,  
 Inque bonas artes studium, iuvenileque robur,  
 Invictumque animum, munificasque manus  
 Audierat: Phoeboque tua haec te clarior, inquit,  
 Laurus erit: parcat huic modo Parca diu.  
 Cui Deus in Laurum ne truci ius esse sorori,  
 Quam tua non audent tangere tela, putas?

*Tanaïs Nerlius ad eundem  
de Vrso inter Leones.*

Vrsum inter saevos illaesum habitare leones  
Plebs admiratur, Laure, colique tuum.  
Non timor in caussa est, nec nobilis ira leonum,  
Quod soli in cavea parcat obesse sua.  
Sed tuus est Vrsus: quid te pia corda virorum:  
Vrsum te propter si fera bruta colunt?

*Severi Minervii ode dicolos distrophos  
ad eundem.*

Septem sunt superum Deum,  
Quae coelo rutilant, fulgida lumina:  
Et sex sunt Medicae Pilae,  
Princeps, signa tibi, quas puto sidera:  
Harum numine septimo  
Effulges numero: quasque cupis, vices  
Divum reddere sic potes,  
Ut par sideribus omnibus emices.  
Nam dum consilium grave  
Ostendis, puto te cocligenam senem.  
Sic dum sceptrum tenes, Iovem  
Reddis, belligerum viribus et Deum.  
Credet Cynthia Apollinem,  
Oris si videat grande decus tui.  
Solus mille modis refers,  
Dum rides, Veneres, atque Cupidines.

Atlas, dum loqueris, suae  
 Te Maiaae poterit credere liberum.  
 Venatrix nemorum Dea  
 Castis teque suis ornat honoribus.  
 Sis quodcumque tamen velis  
 Numen: terra tibi serviet, et polus.

*Antonius Nerlius ad eundem.*

Quam bene solaris nomen tibi praestitit arbos,  
 Pro signoque geris quam bene solis avem,  
 Se renovat phoenix: renovas te, Laure: virebit  
 Laus tua sic semper, Laurus ut usque viret.  
 Vtraque te dinga est, sacra Soli est utraque: coeli  
 Sol decus est, nostri tu decus orbis ades.

*Bartholomaeus Reguleus de Lauro.*

Aemula si virtus mortales reddere divos  
 Sola potest: Lauro quid modo iuncta suo?  
 Vera loquor, Superi, si fas est vincere divos;  
 Mortales video vincere posse deos.

*Gaspar Fighinensis de eodem*

Vnica fertur avis proprio de funere rursus  
 Vivere, ubi liquit putrida membra vetus.  
 Exuviis serpens positus, cervusque relictis  
 Cornibus, a senio liber uterque viget.

Haec itidem Laurus, quam cernimus ulro vetustis  
 Ramis abiectis, pullulat hic iterum.  
 Florida namque viret, juvenescens corticem avitum  
 Deposuit, secum suavia cuncta ferens.  
 Quam velut ira Iovis numquam tetigisse putatur:  
 Infestae Antiadis nec tetigisse queat.

*Franciscus Zeffius ad Madalium  
 de eodem.*

Ludant Pierides Lauro, quas novit: Athenas  
 Ipse agerem glaucas Maevius alter aves.  
 Si vastum patet aequor, Apollinis utere velis:  
 Qui possis: nostrae nulla saburra rati est.  
 At mihi sint vires: non ludam: protinus essem  
 In re non dubia testis inutilior.  
 Quicquid ubique est terris, Oceanoque locorum,  
 Quae Medicum fuerit gloria, fama, videt.  
 Desuit his coelum, et coelum nunc additur illis:  
 Quid superest? vivat: vivet et omne decus.

*Carolus Vivianus Colvensis  
 ad Severum Minervium de eodem.*

Quam sapiat Laurus, patriaeque citetur amore,  
 Quam virtutis amans, gratus et ipse Deis:  
 Hoc docet, affectat dum, qui sit factus ad unguem,  
 Praesidium patriae, militiaeque Ducem:  
 Conveniunt Astraea, Fides, Mars, Pallas, Apollo,  
 Teque illi donis fulcte, Severe, dicant.



Iura, fides, ensis, sapientia, musa decorat  
Te: sibi vult similes Laurus adesse viros.

*Augustinus Faventinus Ord. Serv.  
de eodem.*

Horruit augustam Laurum domus alta Latini,  
Nomina Laurentes unde tulere viri.  
Sublimes fausta decorant se fronde triumph:  
Fatidici hinc vates tempora cincta gerunt.  
Est Clario dilecta Deo, dilecta Tonanti:  
Tristis hiems sacris parcit obesse comis.  
Seraque perpetuos indulgent secla nitores,  
Mixtaque odore foveat dulcis amarities.  
Sed nova muneribus praefert se gratia tantis,  
Et cumulat cumulis dona superba suis,  
Divus ab aethereo veniens Laurentius axe,  
Dulcis amor terris, gloria sideribus,  
Cognitus hesperiis, atque orae auditus ecae,  
Mitis honos cuius tangit utrumque Polum.  
Mortales superos meritis qui solus honestis  
Alligat, obstringit, vincit, habet, retinet.  
Nam quamvis magnum coelo terraeque teneri,  
Multo homines maius vel meruisse Deos.

*Madalius ad eundem*

Stans adeo vultu prae te fers, Laure, benignum:  
Re nihil ut toto mite sit orbe magis.  
Incédens adeo vestigia suavia ponis:  
Re nihil ut toto suave sit orbe magis.

Laure , loquens adeo dulces das ore loquelas:  
 Re nihil ut toto dulce sit orbe magis.  
 Proditor est animi vultus, cor reddit apertum  
 Incessus : voces interiora notant.

*Bart. Reguleus de eodem.*

Nascitur etruscis Lauri de funere Laurus ,  
 Et renovat ramos celsior ipse suos.  
 Hos tibi si renovat Laurus, Florentia ; Laurum  
 Phoenicem merito dixeris esse tuam.

*Severus Minervius de eodem.*

Caesareis positam manibus si Baetica longis  
 Servavit Platanum Corduba temporibus,  
 Perpetuas Lauri speret Florentia frondes:  
 Mortales illum non posuere manus.

*Clemens Bancotius de eodem.*

Erravit quicumque sacro Florentia Lauro  
 Te patriam dixit , sis licet orbis honor.  
 Coelum illi est patria: at terris pietate Deorum  
 Concessus vitae norma , decusque viris.  
 Nota loquor; dedit huic Mars vires, nomen Apollo,  
 Virtutes Pallas, Iuppiter imperium.

*Andreas Dapsius de eodem.*

Nanta procelloso quisquis iactare profundo,  
 Et tremis irati tela trisulca Iovis:  
 Concipe lustralis votiva piamina Lauri:  
 Nescit Apollineas fulmen adire comas.

*Basilius Lancillottus Ord. Serv.  
 ad eundem.*

Siderei plures pertingere culmina coeli,  
 Laure, tuas laudes, claraque gesta canunt.  
 Foecundis alii scripserunt carmina fibris,  
 Et Mecoenati te posuere parem.  
 Affectu multi te tanto arsere clientes,  
 Te velit ut votis quisque vocare suis.  
 Ast ego, divinas rudibus qui promere rhythmis  
 Ingenii dotes expeto, Laure, tui,  
 Nil referam: de te mea plurima dicere vellet  
 Musa; tamen de te diceret ipsa parum.

*Severus Minervius de eodem.*

Dicenti Laurum subito mihi rettulit aurum  
 Echo, et habent voces omina saepe suae.  
 Aurum fortunae decus est: haec vix dedit auro;  
 Aurum hominum vires, regna, Deumque movet.  
 Ex his certa fides si nobis danda loquelis:  
 Laurus fortunae munera cuncta reget.

*Madalius ad eundem.*

Primus ut aethereos Laurus migravit in orbes ,  
 Pax, Astraea, Salus, Musae abiire polum.  
 Italiam hinc ferro, ac flammis vastavit Erinny's,  
 Vt Mars, furta, neces, barbariesque tulit.  
 Nunc digitum propior nobis extollit olympus :  
 Haec ut avi currant secla secunda tui.  
 Pacificus, iustus, nostroque salutifer orbi,  
 Et inusis fultus, Laure secunde, redis.

*Bart. Reguleus ad eundem.*

Inter mille viros titulis, et nomine claros ,  
 Prospexi vultus non nisi, Laure, tuos.  
 Fulgebant adeo rutilantia lumina, quod tu  
 Textisti socios phoebus ut astra tuos.  
 Ingenio polles, tu pectore fortis, et armis,  
 Et bene coelesti numine cuncta regis.  
 Quod si nunc Medices videat tua singula Pastor:  
 Imperio vellet sceptrum tenere tuo.

*Severus Minervius ad eundem*  
*De titulo Semper.*

Sola Deum semper mansura est aequa potestas:  
 Sola hominum virtus vivida semper erit.  
 Te nascente sacris titulis, hinc omine fausto  
 Ille tuus *Semper* scribere coepit avus.  
 Namque Deus genere e Medico tu, Laure, futurus;  
 Virtutisque tuae gloria semper erit.

*Clemens Bancotius de eodem.*

Dum cuperet divum natura immittere terris  
 Imperio, fama, moribus, ore virum:  
 Aethereas adiit sedes, superosque precata est,  
 Imperet ut sorti nobile semper opus.  
 Protulit hinc Laurum insignem: qui secla reportat  
 Aurea, iustitiam, fasque, piunque simul.

*Tanais Nerlius ad eundem.*

Ut renovat serpens, ut se novat unicus ales,  
 Per te, Laure, tuus sic renovatur avus.  
 Qualis ab occiduis remeans sol aureus nndis  
 Sidereum scandit pulcrior usque polum,  
 Talis, Laure, redis, nec dispar rebns avitis,  
 O vice quam felix alter ab alterius.

*Antonius Nerlius ad eundem.*

Amphitrioniades domuit si monstra per orbem  
 Plurima, coelesti numine victor erat;  
 Pellaeus Persas si debellavit, et Indos  
 Tempore sub parvo, sidere victor erat.  
 Devicto insignes duxit si ex orbe triumphos  
 Caesar, Romano milite victor erat. (phans  
 Vincere se tamen li laud potuere: at, Lanre, trium-  
 Debellas te ipsum vi propria, atque domas.  
 Amphitrioniade, et Pellaeo, et Caesare maior  
 Diceris, et merito: quae facis, ipse facis.

*Franciscus Zeffius ad eundem.*

Cum peteret Spartas olim Venus aurea , mundum  
 Deposuit: vitreum nec tulit haec speculum.  
 Sic rotulam, celeremque pilam Rhamnusia liquit,  
 Cum voluit gremio ponere vela tuo.  
 Vt cum fortunam residentem pinxit Apelles,  
 Dicatur sortes, Laure, dedisse tuas.

*Carolus Vivianus ad eundem.*

Sculpsit Pyrgoteles Pellaenm , pinxit Apelles:  
 Ecquis erit princeps ? ille, vel ille tibi.

*Idem ad eundem.*

Cum Phryga Virgilius, Peliden dicat Homerus,  
 Ecquis te dignum dicet utroque magis ?

*Vgolini Verini ad eundem patriae  
 nomine gratulantis Carmen.*

Laurenti Medices, magni Laurentis imago,  
 Vera salus urbis, Lydi spes certa Leonis ,  
 Suscipe collatas patriae florentis habenas.  
 Magnifice in portum tyrrhenam dirige navim,  
 Ne rapidae posthac trudent in saxa procellae.  
 Vt Medices rediere pii, Florentia per te  
 Sperat honoratam, et securam ducere pacem.  
 Oppida quae cepit, formidine reddidit hostis .

Pestiferum unanimes cives posuere furorem.  
 Arbitr, et iudex nascentes comprime lites  
 Ius cuicumque suum Medicum sapientia cures,  
 Ut detur: iustis merito tribuantur honores:  
 Allevietur oas pressis pro viribus aequum:  
 Nec sua prudentes, et doctos praemia fallant.  
 Officium est Medicum subiectis parcere: nulli  
 Sint impune mali: procul extirpare superbos.  
 Religio, et probitas sub te rectore gubernet.  
 Sic tibi nullorum insidiae, nulla arma nocebunt.  
 Cur exempla petam? tua proles testis abunde est.  
 Magnanimus Cosmus (quo non sapientior alter)  
 Plurima Tempia Deo toto construxit in orbe;  
 Syllanidum primus Medicum moderatus habenas,  
 Insignes quamvis alii de stirpe fuerunt:  
 Ipsa tamen Cosmi excessit sapientia cunctos.  
 Reges, atque Duces flexit quocumque volebat.  
 Frenavit Venetos sollers iudustria Cosmi,  
 Ne foret ipsorum suspecta potentia Tuscis.  
 Bissenis lustris rexit feliciter urbem  
 Progenies Medicum: paucorum expulsa furore,  
 In patriam rediit longe praestantior, annos  
 Post sedecim, populo laeto, et plaudente per urbem.  
 Venisti tandem, Soboles dilecta, nec ullum  
 Infestum quamvis civem iusta ira necavit.  
 Nec solum infensis inimicis illa pepercit:  
 Maiores sed enim solito congestit honores.  
 Extorresque omnes propter delicta recepit:  
 Est data per Medices plena indulgentia cunctis.  
 Et non immerito divina est sorte Sacerdos

Electus summus decus immortale Ioannes;  
 Vt nihil ad culmen patriae restaret honoris.  
 Speratur secunda quies sub Praesule tanto:  
 Cum Patruoque tuo sub te rectore quiescet.  
 Exaltata diu cernit Florentia pacem.  
 Eia age concives tutere, et moribus omnes.  
 Hoc te, Laurenti, patriae pars optima poscit.

*Eiusdem Ode dicolos tetrastrophos  
 ad Musam.*

I, pete audacter Medicum penates,  
 Clio: quid cessas? domus ista Musis  
 Hospita: haec doctis patet: et poetis  
 Semper aperta est.

Meque suscepit teneris sub annis  
 Patriae Cosmus pater, et Nepotes  
 Incliti vatem inmeritum Verinum  
 Semper amarunt.

Vade, nunc Laurens regimen gubernat:  
 Cuius antistes patruus Ioannes  
 Est Leo summus decimus Sacerdos,  
 Gloria secli.

Iulios cum quo geminos patronos  
 Nunc habet felix patria, et camoenae.  
 Respuit nullum generosa proles  
 Iusta petentem.

Omnibus grata est, pia, larga, clemens;  
 Est bonis faulrix, studiosa doctis:  
 Iure nimirum Medices amarunt  
 Plebsque, Patresque.



*Clemens Bancotius ad eundem.*

Praemia si Superi rebus tibi digna referrent:  
Restarent, Laurens, praemia nulla Iovi.

*Madalius ad eundem.*

Conveniunt fateor Phoenix, Pila, Laurus in omne  
Tempus victuro spe, fide, more tibi.  
Unicus ardet enim Phoenix ut vivat in aevum:  
Finis nulla Pilae est: Laurus et usque viret.  
In cunctos tuus ardet amor, sidusque probaris:  
Speinque serenato semper in ore foves.  
Sed magis convenient, cum viceris unicus orbem,  
Et fueris capiti Lauream tu ipse tuo. (dant,  
Quamprimum hoc igitur, Superi quem iure secun-  
Ut mihi sis primus, Laure Secunde, sinas.

*Severus Minervius ad eundem.*

Anctores pacis ramis ornantur olivae:  
Haec inter Superos praemia Pallas habet.  
His data, qui patriam servant, est querna corona,  
Et summo summa est quercus amata Iovi.  
Populeas qui monstra domat fert horrida frondes,  
Herculeum munus populus esse solet.  
Laurum victores, Laurum meruere poetae:  
Est Laurus Martis, Pieridumque decus.  
Sed tu, Laure, meris solus, quod plura Deorum  
Numina: si meritis praemia danda tuis.

Tu Musas, tu bella colis, quia pacis amator:  
 Tu patriae pater es: tu fera monstra domas.

*Bart. Reguleus ad eundem.*

Fortunae, atque animi, Medices, sunt corporis ampla  
 Dona Deum: magnus tot bona Laurus habes.  
 Non tamen haec servant magnorum gesta virorum,  
 Gloria nec longo tempore firma manet.  
 Musa quod es vatum, Medices, Laurentius alter;  
 Perpetuo clarum nomen in orbe dabit.

*Clemens Bancotius de eodem.*

Quo caruit Laurus, caruit natura decore:  
 At plus Laurus habet: hinc minus illa potest.

*Tanais Nerlius ad eundem.*

Inter se placido concordia sidera vultu  
 Natali afflarunt, Laure, benigna tuo.  
 Cui gratum Venus alma decus, Cyllenius artes  
 Ingenuas, mores casta Diana probos,  
 Mars animum, et validas robusto in corpore vires,  
 Fasque piumque Tonans, consiliumque Senex,  
 Sol sceptrum, et nomen dedit immortale: quid ultra?  
 Vt redeant meritis aurea secla tuis.  
 Nec mirum: unanimi per te concordia coelo  
 Si fuit: ut per te regnet in orbe quies.

*Antonius Nerlius ad eundem.*

Igneae curarum vario mihi fluctuat aestu  
 Mens: velut adversis flatibus acta ratis,  
 Urget amor, prohibetque timor, te carmine tollam,  
 Laure, licet raro, vincet at ipse timor.  
 Aeneas meruit resonantia plectra Maronis:  
 Maeoniaeque Ithacus fila sonora lyrae.  
 Tu quid, Laure, meres; quo nec patientior alter,  
 Nec pietate unquam maior in orbe fuit.  
 Est opus aethereis favor instilletur ab oris,  
 Nam cum natura est nil tibi: facta probant.

*Franciscus Zeffius ad Iunonem  
 et Pallada de eodem.*

Vestra iterum Lauro si stet sub iudice forma  
 ( Tyndarida aspexit iudicium Paridis )  
 Huius erit rectum examen: non altera vestrum  
 Decipiet Venerem, nec Venus una duas.  
 Sortem habet hic dextra, virtus est subdita laevae:  
 In sinu erit coniux pulcra, et honesta magis.

*Carolus Vivianus de eodem.*

Festa dies oritur: Superis ex ordine sacram  
 Rem facio: nullum sed mihi numen adest.  
 Sanguis in attonito dum friget, ab aethere nimbus  
 Labitur: et clausus qui veniebat, ait.

Sum Clarius; depone metum, rem discе salubrem:  
 A Superis hominum cura repulsa fuit.  
 Hanc Medicum genti summus mandavit olympus:  
 Sacra Leo, Laurus cetera cuncta regat.  
 Priscus ab igniferis rediit Laurentius astris,  
 Vt capiat requiem terra, fretumque parem.

*Madalius ad eundem.*

Argolicis Hlyce, Tyriis Cynosura, sed astrum,  
 Laure, tuum cunctis imperat aequoribus.

*Severus Minervius  
 Florentiam alloquitur.*

Vrbs, quae nubiferas inspectas desuper alpes,  
 Quae regis Etrusci sceptrā superba soli,  
 Nomine quae fueras certo ante Fluentia dicta,  
 Iuxta Arni posita es namque fluentis aquas;  
 Tu modo nomen habes, quo vernet pulcrior annus:  
 Natum cum violis, purpureisque rosis.  
 Diceris a cunctis Florentia: nomine flores:  
 Sunt quoniam flores tu modo quidquid habes.  
 Evenit hoc Lauri sub tegmine, facta beata  
 Cuius felici es nominis auspicio.  
 Dumque viret Laurus, florens, Florentia, fama es,  
 Ingeniis, opibus, pace, piisque viris.

*Antonius Nerlius*  
*ad Magnum Laurentium Medicen.*

Laurum, Laure, colunt, extollit, protegit, ardet,  
 Pierides, Mavors, Iuppiter, et Clarius.  
 Ex Lauro Aonides illi statuere coronam,  
 Qui tua gesta, ut sunt carmine digna, canat.  
 Inseruit Mavors de te tibi, Laure, coronam,  
 Et merito, Tusco Mars es in orbe novus.  
 Vt servat Laurum Altitonans a fulmine: sic te  
 Servat ab his, qui animo, voceque, reque nocent.  
 Nomen in aeternum Phoebo praestante virebit,  
 Laure, tunm: Phoebo Laurus ut usque viret.  
 Felix tot sacro natus sub numine divum,  
 Nos magis at sub te, numinibusque tuis.

*Severi Minervii Ode Dicolos*  
*Tetrastrophos in qua Phoebus*  
*Laurum alloquitur.*

O meos numquam miserata questus,  
 Fronde quae Daphnes rutilos capillos  
 Condis, et frontis nitidae decorem  
 Cortice Laurus.  
 Vnde tu sacro capiti dicata es,  
 Tu ducum, et vatum decus es triumphis,  
 Maris, et Musae merito et labori  
 Praemia reddis.  
 Tu paras per me virides coronas;  
 Tu decus sola es nemorum, et locorum,

Te Iovis summi mannis a trisulco  
Fulmine servat.

Ista mutata tibi sed figura  
Ante, dum silvis fueram, dabantur;  
Nunc tibi e coelo meliora per me  
Munera dantur.

Dextera ut vires medicas habebam;  
Sic tuam prolem Medicam vocavi;  
Quae feret regnis Italis salutem,  
Praesidiumque.

Vt meis fulget radiis Olympus,  
Sic tuae lucet decus orbe famae.  
Sex Pilae tecum rutilant, ut orbes  
Sex modo mecum.

Vt mihi fulvi solium Leonis  
Lucidum sidus solet esse coelo,  
Sic tibi terris Leo Sidus exstat  
Numine sacro.

Ales in lucem meus est, per ignes  
Qui reдит ramos cumulans Sabaeos:  
Hic tua nec non sacer in decora  
Cernitur aede.

Munerum dum te cumulo, atque honorum  
Viribus cunctis sequor: unde sumam  
Iam novas partes? mea cuncta tecum  
Esse videntur.

Illud es, quod sum: paribusque flammis  
Iam micas: coelo sata vive: vivat  
Vt decus divum simul omne, virtus,  
Spesque virorum.

*Alexandri Rosselli Hymnus.*

O piæ mentes hominum, et Deorum,  
 Chloris ex iussu radiantis almi  
 Solis indico sacra, pullulante  
     Daphnide trunco.  
 Quem Medusæi tenet unda fontis,  
 Quive iam nectar sitit hippocrenes,  
 Quem triumphales decorant coronæ,  
     Huc eat omnis.  
 Huc eat quisquis pavidus Tonantis,  
 Et timens fulmen Jovis: hac sub umbra  
 Non cadit summi gravis ira coeli  
     Supplice Phoebo.  
 Cum pater poscit, pater alme, Laurus  
 Tuta florescat, vireatque semper;  
 Nec sit immitis tua dextra Lauro  
     Diviparenti.  
 Te rogat Cadmi soror, et gemellis  
 Quæ fuit mater: genitor precanti  
 Filio cessit, voluitque Phoebo  
     Vivere Laurum.  
 Fronde vernanti redimite tempus  
 Coelites, fratri pharetrata virgo  
 Evoca cunctas Dryadum sorores  
     Ad sacra Lauri.  
 Ecce Musarum chorus, inde Phoebus  
 Frondibus Daphnes cumulatus, euge  
 Ipsa cantabor pia Flora: Laurus  
     Vivit in ævum.

*Antonius Nerlius ad  
Mag. Laurentium Medicem.*

Haec tibi se dedit urbs: ceu victa furentibus austris,  
 Et rectore carens, in mare fracta ratis,  
 Se dans prudenti nautae, expertoque regendam,  
 Vt scopulo, ut syrti, ut tuta sit illa noto.  
 Te duce de scopulo, de syrti, deque procella  
 Ernitur, placido perfruiturque mari.  
 Vnde tibi ac merito cognomina plurima soli  
 Lydius etrusca praestat in orbe Leo. (nignum,  
 Miles magnanimum, aequum plebs, procuresque be-  
 Pacificum populus te vocat, et fruitur.

*Severus Minervius  
de eodem*

Sors paucis, paucis virtus datur, utraque Lauro est:  
 Laurus habet, nullis quod simul ante datum.

*Bart. Reguleus ad eundem.*

Immunis fueram Laurentis munere primi,  
 Ius mihi natorum quod dedit ille trium.  
 Quod placuit primo, placeat tibi, Laure, secundo;  
 Hoc mihi si dederis: tu mihi primus eris.

*Tanais Nerlius  
ad eundem.*

Expectata diu praestans spectacula, arenam  
 Dum Leo per totam, Laure, superbus agit;



Arx, testudo, canes, taurus sibi spretus, et ursus  
 Solus in armatos impetus ire fuit.  
 Te tamen inspecto totam compescuit iram,  
 Qui sis, Laure, trucidis nos monet ira feræ.

*Antonius Nerlius ad eundem.*

Cur Deus Aeneas? Ithacus? Tyrrhinus heros?  
 Hic fortis, patiens illeque, et ille pius.  
 Fortior at quis te? Quis te patientior alter?  
 Te pius in toto quis fuit orbe magis?  
 Laure, igitur tribus his tu solus maior haberiis,  
 Tu trinum trino numine numen habes.

*Severus Minervius ad eundem.*

Dum satus Anchisa petiit stagna alta profundæ  
 Noctis, pallentes atque domos herebi:  
 Illicis auricomæ ramum de stipite sumpsit,  
 In lucem posset quo revocare gradus.  
 Cum tamen hoc illi vates Amphrysia iussit,  
 Non norat ramos illa, vel ille tuos.  
 Quisque redire potest vacui de limine averni  
 Non solum his, clari at tecta subire poli.

*Carolus Fivianus de eodem.*

Dum cano Magnificum, Laurum vir percipit omnis:  
 Quis maiora facit? quis meliora facit?

*Franciscus Zeffius ad eundem.*

Pierides Phoebum de coniuge plura rogantes,  
 Laure, tua; sortes has didicere tori.  
 Nobilis Icarius Polycastam duxit honestam,  
 Prudenti Anchisae pulcra Venus subiit.  
 Et Pelcus rex ipse potens Chironida sumpsit,  
 Quam suns imbuerat artibus ante parens.  
 Virgo clam lecta est Lauro sata sanguine Regum,  
 Moribus haec, forma, praestat et ingenio.  
 Nobilitas Medicum, Lauri prudentia, vires,  
 Hos superant; merito sors erit una trium.

*Carolus Vivianus ad eundem.*

Quis neget in varias Acheloum vertere formas  
 Se potuisse? Potes tu quoque cuncta potens.  
 Fis Cato, dum sacri conscendis rostra Senatus,  
 Et cusa in valido pectore verba facis.  
 Dum capis arma ferox, velequum calcaribus urges,  
 Aeaciden populus te canit esse tuus.  
 Singula ne memorem, post tot nova corpora, felix  
 Se quibus extollit patria, Phoebus ades.

*Laurentius Ripomarancius  
de eodem.*

Forte quiescebam extrema sub nocte, canentem  
 Dum Phoebum haec labris sentio inesse meis.

Laetitia incumbat felix oenotria pubes,  
 Et sua vota Deis nunc opulenta ferat.  
 Venit ab aetherea Laurentius arce Secundus,  
 Vera quidem Medicum gloria, verus honor.  
 Hoc duce iura dabit longo his quos Nereus ambit  
 Anfractu, domini sic statuere Dei.  
 Huic feret arcus iners, gelidi septemque triones  
 Ampla tributa suo regna subacta duci.  
 Et tenebrae pariter, lucisque aequator amoenae,  
 Oraque solaris tosta calore rotae,  
 Et qui primus ovans radiantis lampada Phoebe,  
 Quique sub occiduo mergier axe videt.  
 Dixerat excusso ostendens rata signa futuri,  
 Sub meo enim Lauri vertice ramus erat.

*Antonius Nerlius ad eundem.*

Bis genitum Thebae, Mavortem Thracia, Phoebum  
 Delos, Creta Jovem, te tua Flora colit.

*Tanais Nerlius de eodem.*

Vt sapiens, fortis, pulcher sibi Dux foret, olim  
 Ad Dominum populus fudit apella preces.  
 Cum foret ast uni nimis hoc, et tanta decerent  
 Dona Deum, Dominus tradidit illa tribus.  
 Hinc Salomon sapiens, invicto hinc robore Samson,  
 Absalon hinc forma splendidiore fuit.  
 At Lauro, dum poscit idem Florentia supplex,  
 Juppiter impendit, quod dedit ante tribus.

*Madalius ad Severum Minervium.*

Qui geminam sequeris cognomine, reque Minervam,  
 Quem Lauro gratum Mars, et Apollo dedit;  
 Re facilis, duro nomen cum Marte parumper  
 Deponens, numeris ede, Severe, precor.  
 Pastorem cur Laurus adit, si fugerat olim?  
 Quem timuit, Phoebi cur petit illa domum?

*Severi Minervii ad Magnificum  
 Laurentium Medicem ad Leonem  
 Pont. Max. accedentem.  
 Carmen elegum.*

Ibis ad ora sacri comitatus, Laure, Leonis  
 Ominibus faustis, numinibusque Deum.  
 Ibis, et insignes repetens virtute parentes,  
 Ostendes, quantus sit tibi in ore decor.  
 Carminibus te nos, animisque sequemur euntem,  
 Spesque, Fidesque tuum nostra sequetur opus.  
 Te Fortuna comes dextro pede laeta sequetur,  
 Ipsa dabit vires, ipsa docebit iter.  
 Hac duce possedit Nephelaei vellera Phryxi  
 Aesonides: domuit monstra, fretumque tumens.  
 Hac duce Pellaëus juvenis per Bactra, per Indos,  
 Per Scythiam, et Phasim signa, virosque tulit.  
 Hac duce Romano Caesar tot barbara tela,  
 Tot regna, et populos subdidit imperio.  
 Hac duce Carpathia pauper mercator in unda  
 Fit dives: pelagi non timet ipsa minas:



Addent cui Superi quam plurima: sic mea vota,  
 Sic merita, et mores promeruerunt tui.  
 Sic Patruus de te statuit tuus: ille ministrat  
 Ecclesiae, et fidei numen, et orbis opes.  
 Ille regit Medica populos pietate, tuetur  
 Justitia pacem, viribus Imperium.  
 Et quia magnanimis domuit virtutibus hostes,  
 Ex meritis nomen, vimque Leonis habet.  
 Ad quem tende citus; namque annuit, ire iuvabit,  
 Dum te avidus votis optat adesse suis.  
 Quid, nisi plaudentes reditus sperare secundos  
 Possumus? ipsa parat Sorsque, Venusque viam.  
 Magnificum, et faustum gaudens te Roma videbit:  
 Maiorem nobis reddet et haec titulis.  
 Auxit ut Assaraci deductam ab origine gentem:  
 Sic te, sic Medicum tollet in astra genus.  
 I felix, felix redeas, teque aura sequatur,  
 Atque tuum Zephyrus perdominetur iter.  
 Sint sine nube dies, taceant et corus, et anster,  
 Ipse mei ut possis ire, redire memor.

*Bart. Reguleus Pro Republ. Florentina*  
*Ad Leonem X. Pont. Max.*

Sancte Pater, placeat patriae iam reddere Laurum,  
 Sorte datum fasces hunc tenuisse meos.  
 Redde, precor, Laurum, rogat hoc Florentia supplex:  
 Sub Lauro cives fulmina nulla timent.  
 Sola domus queritur: queritur via lata: per Urbem  
 Quisque silet: Laurum vel sibi quisque rogat.

Quid mirum, Lauri reditum si quisque precatur?

Cum sine sunt Lauro, sunt sine sole dies.

Templa micant Lauro: Lauro domus alta refulget,

Et Lauro semper limiua laeta virent.

Ipse triumphator cingit sua tempora Lauro:

Et Lauro vaturn tempora sacra micant.

Adde quod et Lauro gaudet formosus Apollo:

Et Lauro salubres lustrat in urbe dies.

Redde, Pater, Laurum: quid gaudia nostra moraris?

Sunt mea, sunt Medica sceptrâ tenenda manu.

Quod tibi si Laurum, placeat concedere Iulurn:

In patriam vel tu Pastor ab urbe veni.

Florida sum tellus, totum celebrata per orbem:

Stella decet nostrum de tribus una caput.

### *Severi Miner. ad Magn. Laur. Sylva*

Clarius Arne potes, rapidisque superbiôr undis

Tyrrheni undisonum pelagi prorumpere litus.

Te tua laeta magis Florentia suscipit aucta

Iampridem virtute virum, superumque favore,

Maior et auspicio Laurentis facta Secundi.

De quo se magnum profert mihi laudibus aequor

Innummeris: faveas conanti pulcher Apollo:

Inceptisque meis inspires numine dextro.

Annue tuque tuæ, Medices, nova gloria gentis

Magnum, Laure, meis, et dulce furoribus oestrum.

Vnde tamen magnæ sumam primordia laudis?

Non proavi, patrisque tui pia gesta revolvam:

Qui immortale gerunt, fixumque in sidera nomen.

Non ego te teneris cupio deducere ab annis :  
 Sudandum mihi nempe tuae sub flore inventae.  
 Sed quae vernantis dicetur gloria formae,  
 Cum sit tot rutilis coeli fulgentior astris?  
 Numen in ore geris, maiestatemque verendam,  
 Atque serenatae divinos frontis honores.  
 Martis opus, bellumque serox regina decore  
 Victa tuo, Hippolyte, sprevisset: grataque tecum,  
 Et nova contempta gessisset praelia Zona.  
 Te te Laeda suum mallet quam Castora natum.  
 Te proprio spumosa Thetis praeferret Achilli.  
 Quid vero alipedes dum crinibus ire superbos  
 Efficis, et veros emittere naribus ignes:  
 Praeteriisse vagas rapidis et cursibus auras?  
 Non sic aequoreis domitor Messapus arenis  
 Acer agebat equos Neptuno adstante frementes.  
 Te non Aeaciden Xanthus sua frena regentem  
 Optasset; dominum mallet te Cyllarus: omnes  
 Nereidumque choros pro te contemnet Arion.  
 Te portare snis contempto Pegasus alis  
 Bellerophonte cupit: sub te sudaret et Aethon  
 Laetior Aurorae flammis, curruque relicto.  
 Quid, quod grata tibi turpi non ocia luxu:  
 Non animis illapsa tuis est caeca voluptas?  
 Mansurae accendit famae te gloria tantum:  
 Vnde tibi armorum studiis mens ardua adhaeret.  
 Sed Patrus tua vota potens, divusque periclis  
 Tot modo divertit meliora ad iura reservans.  
 Quem non arma decent: frenat dum legibus orbem:  
 Late orbis dumque esse cupit sine sanguine victor:



Et dum pace regit tantarum pondera rerum:  
 Ipse tibi dulces patriae commendat habenas:  
 Teque docet sanctos regnandi in secula mores.  
 Felices populi, quibus est cognomen etrusci:  
 Ducite securam tanto sub principe vitam.  
 Cui dedit aequa suum clementia pectore numen:  
 Quem modo cauta fides meritis ascendere coelum,  
 Et superos aequare facit, iustique potestas.  
 Quem tolerare docet patientia dura labores:  
 Consilio praesaga gravi prudentia longe  
 Instruit: atque modum monstrat, quo casta regantur,  
 Temperies: stabilemque animum constantia firmat.  
 Quemque auri non sacra fames, non pascit honorum  
 Ambitio: attollit non ulla superbia: rebus  
 Quae comes una viris solet altior ire secundis.  
 Moribus his equidem solio fortuna superbo  
 Deiecta, ante tuos humili sic voce locuta est,  
 Laurens, moesta pedes lacrymisque rigantibus ora.  
 Illa ego terrarum domina, et regina profundi,  
 Et tantum fortuna potens, quae singula nuper  
 Instabili ratione rotae, seu sorte regebam: (mebam,  
 Quae manibus coelum, pedibusque elementa pre-  
 Et quae certa loco poteram consistere nullo  
 Ante: hominum manibus ne invita tenerer avaris:  
 Quaeque gradu potui mortales tollere ab imo:  
 Vertere sorte animos tristi, mentesque superbas:  
 Me prece sollicita pauper, divesque petebat:  
 Divam me reges, gentesque, urbesque vocabant,  
 Et mea purpurei metuebant sceptrum tyranni,  
 Nunc propriis deiecta rotis volventibus, alto

Pellor ab officio: mihi virtus subripit axem.  
 Quae mecum imparibus quondam certare solebat  
 Viribus: errabat titulis mendicaque parvis:  
 Victa prius, victrix facta est, et cuncta ministrat.  
 Vendicat omne meum sibi ius, mihi nulla potestas,  
 Seu parva est: celeres non possum vertere currus:  
 Ingentemque rotam, postquam tua nomina culmen  
 Aetheris attingunt: stuit axem vivida virtus:  
 Firmatumque dedit clavis, ne volvere possim.  
 Evenit et inarum hoc merito mihi, dive, tuorum.  
 Sed postquam sic fata deum, sic numina poscunt:  
 Sub pedibus da posse tuis me vivere tutam.  
 Talia tu contra: non speres noxia fraudes  
 Exercere tuas ultro, non crimina posse,  
 Non odisse bonos, non tollere in astra nocentes  
 Vlla vi poteris: inanibus non sceptrum tenebis:  
 Sed scelerum poenas patieris dira tuorum.  
 Sic fatus stygias illam detrudis ad umbras:  
 Atque herebi diris sociandam pestibus addis,  
 Dignius ut rapidi currus moderentur habenae.  
 Sed dum sic solio socia virtute recumbis,  
 Fortunaeque vicem meliori iure gubernas:  
 Aonides stantes te circum examine denso  
 Dulcia pulsabant alterno pollice fila:  
 Carminibusque tui celebrabant dona triumphii.  
 Quarum quae Iovis est proles, studioque canendi  
 Maxima, sic satur: placidae quae carmine Musae  
 Mecum grandisono Laurum super astra locatis:  
 Scitis quod coelo nullum modo numen habemus  
 Quod faveat, nostroque velit gratum esse labori.

Namque suis noster numeris mendicat Apollo :  
 Contemnitque Lyræ contemptus princeps ab omni.  
 Terrenum nobis fas sit iam quaerere numen :  
 Sub quo nostra chelys sonitu graviore resurgat .  
 Quis modo ni Laurus, nobis pro numine habendus :  
 Qui quondam nostris parvus reptavit in antris :  
 Pulcraque Cyrrhaeis exercuit ocia sylvis ?  
 Annua nos illi statuamus festa , coronas  
 Daphnaeas , viridique aras de fronde dicemus .  
 Felices erimus, nostrumque Helicon beatum  
 Cernemus , laeta nemus atque assurgere fronde ,  
 Largius et sacrum dulci fluere unda Aganippeu .  
 Dixit ; et huic omnes gratæ assensere sorores .  
 Teque per Aonios simul hae duxere recessus .  
 Detinuere vagis ubi te solatia curis ,  
 Donec nubiferas quæ inspectat desuper alpes ,  
 Floribus ornatum variis caput extulit Arno :  
 Et te Florentes gaudens revocavit ad oras  
 Arneidum comitata choro Florentia : ridet  
 Perpetuo dum vere : virum quia Flore, nuncumque  
 Vernat : et ingeniis , opibusque et nomine Floret .  
 Auget cuncta magis tua quæ praesentia : Patrem  
 Te Patriæ poterunt servati dicere cives .  
 Tempora virtutum per te foecunda redibunt :  
 Ingeniis dabit alta viam tua gloria ; felix  
 Per te erit haec regio, et magnis diis gravior ora .  
 Per te sudabunt praeciosae hic balsama venæ :  
 Per te hic mella fluent : omnes aurataque plantæ  
 Per te poma ferent : per te pia signa tuorum  
 Aurea secla Pilæ ducent : te auctore resurgent

Nomina maiorum, pulcra et cum pace triumphî.  
 Per te tuscus ager iamque itala regna tenebit:  
 Vicinumque illi iam serviet aequor utrumque.  
 Vive diu, amplexus accedat regia coniux  
 Inque tuos: pulcra et faciat te prole beatum.  
 Et tua pro meritis nunc sidera fata secudent:  
 Seraque perpetuis addant te numina fastis.

*Madalius ad Magnificum  
 Laurentium Medicem in Severi  
 Minervii Eclogam.*

Magnanimum Atriden coelo tollebat Achilles  
 Versibus, a castris dum procul hostis erat.  
 Et Laertiades pastor tendebat in urbem,  
 Exploraturus quicquid in hoste foret.  
 Quam bene dum bello cessatur, Laure, Severus  
 Carminibus laudes tollit in astra tuas,  
 Pastoremque refert tanta sollertia, et arte:  
 Vt cithara, ut calamis reddat utrumque tibi.

*Severi Minervii Ecloga  
 Quae inscribitur Laurus.*

Et Laurus sylvis, et Lauri uumine sylvae  
 Gaudent, sylvestres liceat percurrere dumos,  
 Pastorumque humili praeccludere gaudia cantu.  
 Non superis semper coelum, et mortalibus urbes  
 Gratae: etiam sylvas coelestia numina curant.  
 Sub pastorali Phoebus descendit amictu,

Nec spreuit tenui componere carmen avena.  
 Vnde tibi aeternum nomen Peneia Virgo,  
 Quae viridi vatum serpis per tempora fronde : (nos,  
 Quaeque facis tutum nemus hoc, nemorisque colo-  
 Et tutos errare greges : nam Lydius illis  
 Pan Medica de gente satus nunc ocia praestat :  
 Cui numen , nomenque dedit formosus Apollo.  
 Vnde mihi Lauri veniant ad carmina Musae.

Dicite Laurigerae nova carmina, dicite Divae.  
 Qui calamis, vocumque valet discrimine: Pastor  
 Laetior assurgat mecum: respondeat Echo:  
 Et nostrae postrema ferat vestigia vocis.  
 Carmina non laedant crepitantes nostra cicadae:  
 Nec querulis ululae rumpant ululatibus auras.  
 Dumque humiles repetit gracilis mea fistula versus:  
 Avia responent nemora, et cava saxa canenti.

Dicite Laurigerae nova carmina, dicite Divae.  
 Non metuant armenta lupos: colat ocia pastor:  
 Aurato pictos iunco variare canistros  
 Gaudeat, et cerasi de cortice texere Zonas:  
 Sive leves flava calamos componere caera:  
 Sylvestre aut tenui meditetur arundine carmen:  
 Aut suaves nymphas, et dulces cantet amores:  
 Seu canat heroas divi Laurentis alumnos.

Dicite Laurigerae nova carmina, dicite Divae.  
 Aurea coelesti venerunt ordine secla.  
 Ecce albos menses, et magnos cernimus annos.  
 Felices quicumque vident haec tempora, felix  
 Armenti genus omne satum florentibus annis.  
 Cui modo sidereo favor instillatur ab axe.

Perpetuo quia vere virens est lydia tellus,  
Atque ovibus vernat laetis, oviumque magistris.

Dicite Laurigerae nova carmina, dicite Divae.  
Terra venenosis viridans non pullulat herbis:  
Serpillum, atque apium, ridens et fundit acanthum:  
Implent irriguas valles colocasia, anethum  
Aerios montes, sterilis satureia saltus.

Et quae rore madent diversa hic gramina tellus  
Praebet? non desunt hic pingua pabula: Lauri  
Attamen Assyrio pecudes pascentur amomo.

Dicite Laurigerae nova carmina, dicite Divae.  
En nobis virgulta omnis iam parturit arbor:  
Frondentisque hederæ virides dat planta corymbos.  
Dant arbusta suos ultro frondentia ramos:  
Et cytisum, et lentas salices, mollesque myricas  
Cernimus, et pingues gravia ubera ferre capellas.  
Sponte sua crebro ad mulctram cogetur ovile:  
Et cava fumabunt niveo mulctralia lacte.

Dicite Laurigerae nova carmina, dicite Divae.  
Nunc laetas terris fruges, nunc poma videmus  
Matura arboreis ramis pendere: legenda  
Arbuta nunc, nunc arte satæ certantia plantæ  
Mala auro, vel dulce piram, vel praeoqua præbent.  
Castaneis, sorbis, oucibus, milio, atque lupino  
Quis satur esse nequit pastor, pinguique sagina?  
Attamen ambrosiæ Laurus vult nequæ pasci.

Dicite Laurigerae nova carmina, dicite Divae.  
Dant dulces Zephyro volucres spirante loquelas,  
Compouotque inter frondes, dumetaque nidos:  
Inveoiunt passim hos pueri, foetusque tuentur.

Quaeque modo asparagis, fungis, fragisque legendis  
 Est operosa manus iuvenum, perque avia tendit,  
 Intexitque vagos diversa fronde galeros,  
 Sive ornat duris insignia tempora echinis.

Dicite Laurigerae nova carmina, dicite Divae.  
 En celebres auro sutis, pictisque cothurnis  
 Florentes nymphae calathis violasque; rosasque  
 Spargunt, et placidi redolentia munera veris:  
 Teque, Hyacinthe, ferunt, et te, Narcisse, pharetris.  
 Hae quoque cum niveis vaccinia nigra ligustris,  
 Puniceoque croco candentia lilia miscent,  
 Quaeque aurum referunt, et sunt tua lilia, Laure.

Dicite Laurigerae nova carmina, dicite Divae.  
 Nunc sua pastores exercent ludicra tusci.  
 Hic saltus agitare cupit, cupit ille palaestram:  
 Alter amat calamos inflare, agitare choreas  
 Alter; ad haec laeti veniunt spectacula Fauni,  
 Et socias ducunt Dryades Satyri arte procaces,  
 Nec non Sylvani hirsuti, horripilique Lycaci,  
 Cunctaque montanis accedunt numina ab oris.

Dicite Laurigerae nova carmina, dicite Divae.  
 Nunc Crotale formosa suas nudare papillas,  
 Candidulos Donace velit, et Lepidina lacertos.  
 Thestylis ipsa sinus niveos, et pectus lola;  
 Se totam Galatea suo, nam lactea tota est,  
 Pastori ostendat: sic se Chrysis, atque Lycoris.  
 Sit mitis posito fastu lasciva Neaera.  
 Arneidum princeps Lauro sit Flora benigna.

Dicite Laurigerae nova carmina, dicite Divae.  
 Conveniant Corydoo, Damon, Meliboeus, Amyntas,

Alphesiboeus, Anas, Damoetas, Myrtilus, Alcon,  
 Monychus, Alphus, Apicius, Ornithus, Astacus, Idas  
 Cum Symbichone Macron, Thyrsis, Montanus,  
 Amyclas;

Cum Mopso Therapon, Lycidas, Sylvanus, Alexis,  
 Bactracus, et Myrmix, et Tityrus, atque Palaemon:  
 Aeternum et Lauri tollant ad sidera nomen.

Claudite Laurigerae iam carmina, claudite Divae.  
 Hactenus Aoniae sylvas cecinisse sorores  
 Sit satis, et Lauri faustis luisse sub annis,  
 Arcadiae cedant cui tantum numina Panis,  
 Quantum lenta salix alno, salivca cupresso,  
 Et quantum ramis ilex pallentis olivae.  
 Pastores, festis vos hunc celebrate diebus;  
 Aras huic viridi statuatis fronde quotannis;  
 Vestra et odorata fument altaria messe,  
 Vt vivat longum, ceu serpens, Laurus in aevum,  
 Vivaces superet cervi, cornicis et annos.  
 Tu mea, quae gracili strepuisti, fistula, cantu,  
 Quae labris, digitisque meis non parva voluptas,  
 Pendebis sacri mansura in stipite Lauri,  
 Digna alio pastore coli, quem Musa secundet.  
 Ipse tuos posthac calamos non turpiter ausim  
 Indocta tractare manu; dum muta manebis  
 Sola tuo Lauri recolantur nomina sensu.  
 Dum numeris multo fueris animata carentis  
 Spiritu ab alterius, Laurum cantare memento.  
 Inflabunt Zephyri dum te, vel flatibus Enri,  
 Fac Laurum Zephyris, atque Euris carmine notum.  
 Nam dens ille mihi, gratum tibi nomen et ille est.



*Carolus Aldobrandus  
Laurentio Medici.*

S.

Erat Achillis illius Homerici, Magnif. ac Claris. Laurenti Medices, quo tempore apud Troiam ociosus inani se terram pondere premere dolebat, unicum hoc, atque iucundissimum studium, ut quae ceteri interea Duces in bello strenue egissent, ea ipse carminibus illustraret. Fiebat hoc ex antiqua veterum religione, qui Palladen bello simul, et paci, et cunctis bonis artibus praefecerunt. Id ipsum tibi Severus Minervius, homo, ut scis, non minus doctus quam strenuus, praestare conatus, hoc ipso tempore alioqui ociosus ex variis Musarum lucis *Lauretum* congegit. Quod quidem non frondibus, aut baccis, sed multis tuarum laudum praeconiis perpetuo vireat, sitque aeternum cum ingenii, fideique suae; tum vero amplitudinis tuae, ac gloriae posteris monumentum, quod nec Iovis ira, nec ignes, nec edax abolere possit vetustas. Quod hominis consilium ipse admiratus, inhumanus sim, et erga Musas ingratus, si hac brevi epistola et rem, et hominem tibi minus pro meritis commendaverim. Sunt profecto in opusculo multa admodum lepide conscripta, pleraque ingeniose, nonnulla graviter, omnia vere: nec dubito placitum legentibus, si tuo praesertim auspicio prodibit in publicum. Vale, Patrone Optime, tuosque Minervium, et Aldobrandum tui nominis studiosos, benigno felicitatis sinu exceptos felix complectere.

*Severus Minervius*  
Ad eundem.

Ardentes crepitu Laurus velut abdicat ignes;  
Vt Iovis irati fulmina nulla timet;  
Defendat nostros sic tecum, Laure, labores:  
Non poterunt homines, quod nequit ira Deum.









2. 514.50

W. 11102



005662370





h. c.



